


REINWASKRECHER KERWERED 1990

DIE MEISTEN LEUTE SIND
NICHT EHRLICH GENUG
IHRE FEHLER ZU GESTEHEN!

... Ich würde meine
Zugeben...

... WENN
ICH FEHLER
HÄTTE!



Ihr lieve Leit un Kerwegäscht...
Nä, so beginne mer net met de Red zum Kerwefescht.
Ihr han bestimmt gedenkt,
mer deden de selwe Ofang wie vorsjoehr nemme,
awwer mer junge dun jo net penne.

Unser Bäm hängt un is wunnerschä,
do werre mer de Rescht a noch hiekrie.

So manch äner vun eich hot Angscht un Bang,
was mer so iwwer ne in Erfahrung brung han.
Ihr Fraue un Männer, jetzt gehts endlich los,
jetzt stelle mer e Dähl vun eich do unne bloß.

Die wo net in de Kerwered sin, han gut lache,
awwer velleicht mache die jo iwwers Joehr
aach e paar dumme Sache.

Jetzt mach ich mo die Flasch Wei uff
un du mei Kehl mo ele,
dann kann ich besser weirervezehle.

PROSCHT !!!

G A S T H A U S



Z U R L I N D E

Inh. Lydia Schultz

*Hauptstrasse
6759 Reipoltskirchen*

Montags Ruhetag

Bevor ich aus em eigentliche Sinderegischer vortra,
han ich ebbes iwver vorsjoehr die Kerb se sa.

Mer junge warn aktiv beim Kerwegeschehe debei,
awwer met e paar Alde hots gebb Reiwerei.
Mer dun uns immer gern angaschiere,
doch die Alde han immer was se kritisiere.

Es is uns zu Ohre kumm,
daß se han gesa :
"Sogar an de Kerb hänge se im Keller rum!"
Des war gar net wahr,
weil mer nur kurz drunne warn,
um fer dienschdachs e Grabred sammesetran.

Beim Eieresse han se sich beschwert,
un han gemähnt, daß do die Bichseworscht dezugehert.
Das han mer gar net zugeloß,
die werd nämlich wie jed Joehr dienschdachs owens genoß.


Dienschdachs, bevor mer han die Kerb zu Grawe getra,
han se gemähnt: "Ihr mache zu viel Trara!"
Mer han gesoff un laut gesung,
doch das hot se uff die Palm gebrung.
Ich glab, die han das met de Beerdischung zu wertlich genumm.

Bis spät in die Nacht han mer noch getrunk.
Das hot einische vun eich ganz schä gestunk.

Äns muß ich eich froe, ganz im Vertraue,
warum wolle ner uns junge immer in die Pann enin haue?
Un wenn ner dasjoehr wirrer iwver uns lache,
kenne ner negschdjohr a de Strauß un die Kerwered mache!!!

FLEISCHERFACHGESCHAFT UND
SPARMARKT

HESS UND
GRASSHOFF



NIEDERKIRCHEN

BEKANNT FUER PFAELZER
SPEZIALITAETEN / PLATTENSERVICE

Wie jedes Jahr hammer e paar Unfäll debei,
doch dasjohr kumme glei elf Stick an die Reih.
Un um gar net lang die Nome zu nenne
du mer se do zum Fenschder naushänge.

.

De Sam muscht in Anelle de Ofang mache
un dort in e anner Auto krache.

Kurz deno is de Bodder durchs Dorf geblos
un beim Toni an die Hauswand gestoß.

Unser Isi hot uff em Reckwillerhof e anner Auto mitgenumm,
un es Moni hot sich gedenkt:
Uff de Hämfahrt vun de Disco mach ich em Oba sei Golsche krumm.

Dann hot sich de Willi met de Gedanke schun uff de Arwet gesieh,
doch kurz vorm Keiper wars Auto hie.

Die Ähsch muscht em Lumbes sei Sierra vekrumble,
weils nausgefahr is, wo annere nur rin kumme.

Dann is de Kalle - gar net dumm -
mem Firnebussje uff e Audi 100 gebrummd.



Ich han in Kreiznach a e Klänischkeit gemacht
un dort e Taxi-Stoßstang vekratzt.

De Christian is ins Eck enin geschoss
un dort uff em Albert sei Mauer geblos.

Un als Krönung vun denne Sache
muschts beim Claudia an de Hofinfahrt a noch krache.


De Schluß hot de Guido vor Anelle gebrung:
Er is e bißje schnell in e Kurv enin kumm
un hot zwä Dannebäm mitgenumm.

Un die Moral vun der Geschichte:
Gucken uff die Stroß un net in die Weltgeschichte,
sunscht vekrumbele ner noch emol eier Kischt!!!



Neuwagen Gebrauchtwagen

SB-Tankstelle * Waschanlage



Josef Sydow

.....
V.A.G. Autohaus

Saarbruecker Str. 67

6758 Lauterecken, Tel. 06382/563



Gejeniwwer vum Toni, do wohnt e Mann,
der zeischt de Leit, was er alles kann.
Fleisich geht er an die Sache
un dut alles met veel Sorschfalt mache.

Beim Streiche, Verfuche un Glasbaustä setze
losst er sich vum nimmand hetze.
Er hot jo veel Zeit fer alles se mache,
nur duts net immer so rischdisch klappe.

Es war schunn dunkel,
do horrer sich vor seim Schubbe e Amer Babb ogereert
un das zwische die Fuche
vun seine frisch gesetzde Glasbaustä geschmeert.

Stolz horrer sich dann sei Werk betracht,
doch in deselwe Nacht hots noch gekracht.
Am negschde Moje muscht er uff em Trottoir
die kaputte Glasbaustä sammetra.


Was hot de Detlef do geflucht
un ganz vezweifelt no Hilf gesucht.
Geniwwer de Schneider vum Nirrerkerch,
wo dut seim Vadder sei Haus umbaue,
kunnt dem Tuwak vum Detlef iwverhaupt nimmi zuschaue.

Gesah, gedoh geht er iwver die Stroß
un leht met de erschde Hilfe los.
Das Bauwerk is jetzt ferdisch un de Detlev heilfroh,
es hänge sogar schunn Blummekäschde dro.

Mei lieber Detlef, ich geb der e guder Rot:
Bass met deine Mauerwerke uff,
schunn schlahn se dich am Enn noch dot.

Ehr Musikande, speele dem Detlev das Lied
"Schaffe, schaffe, Häusle baue
un net nur nom Flachmann schaue"

HANS MANNWEILER KG



Bau- und Brennstoffe
Heizöl
Güterverkehr

NIEDERKIRCHEN

In der Schorndele 1
Tel: 06363/216

"KURZMELDUNGEN"

+++++

- * TTC Reipoltskirchen in Partnerschaft mit Sportkör Gamma Budapest. Ungarnreise im April erfolgreich verlaufen. Nächster Ungarn-Trip zum Minimaltarif voraussichtlich im Frühjahr '92. Interessenten melden sich bitte im Reisebüro Elisabeth Schultz.

+++++

- * Entlastung des Forstamtes Lauterecken. Stadtwerke Reipoltskirchen zeigen sich tätig bei Sturmschäden-Aufräumarbeiten im Hahnenwald.

+++++

- * Fähiges Holzfällerteam für die Maibaumfällung '91 gesucht! Im April '90 nach drittem Anlauf immer noch Krüppel gefällt mangels Fachkräften. Bewerbungen an den Obst- und Gartenbauverein Reipoltskirchen.

+++++


- * Nachwuchssorgen beim Kellergeisterclub Reipoltskirchen! Mangels neuer Club-Mitglieder und wegen Fernbleibens der alten Mitgliedschaft KCR vom Aussterben bedroht. Fällt 1991 das 15-jährige Jubiläum aus?

Bekannt durch

Qualitätsbackwaren

Ihre Brot- und Feinbäckerei

HANS-HERMANN MÜLLER



6759 Reipoltskirchen
Kegelbahnstrasse
Tel.: 06364/323

Montag Nachmittag geschlossen

Aner vun uns junge treibts zimlich bunt:
Der hot sich mei Veflosseneni genumm
un hot sich gedenkt: "Ich bin jo net bled.
Wenn die jo nimmi bei de Stefan geht,
kann ich se jo nemme,
sunsch muß ich ewisch allä penne."

Er hot net lang driwwer nogedenkt
un sei Ex-Coupe glei no Erfebach gelenkt.
Das met dem Coupe dun ich eich später erkläre -
veel wichticher is die Geschischt met dem Märe.

Er wohnt jetzt in Erfebach beim Steffi in de Kellerwohnung
un gännt sich a bestimmt kä Schonung,
weil mer dut sei Gesicht bei uns recht wenich erblicke.
Das kummt vum veele ...
Awwer es is jo em Markus sei Sach,
was der mit em Steffi macht.

Um uff das Audi-Coupe serick se kumme,
met dem dut er schunn lang nimmi durch die Lande brumme.
Ihr Leit, ihr wisse jo bestimmt,
daß der Markus beim Bund uff kä großer Stunnelohn kimmt.

Desweje is uns das rätselhaft,
wie der das met dem Steffi un dene veele Fahrzeiche macht.
Wie ner wisse, horrer schunnemol e roder Kadett gehatt,
dene warer awwer ganz schä satt.

Deletscht han ich de Markus gesieh -
ei ich hann gedenkt, mich hauts uff de Stell hie.
Jetzt horrer schunn wirrer so e Gerät
un er vezeelt de Wunner, wirer geht.
Nun muß ich eich sae, jetzt flippt er ganz aus,
jetzt stellt er sich a noch e Motorrad ins Haus.

Drumm, Markus, gewwe mer der e guder Rot:
Loss dich efdersch bei uns blicke
un kaf der net so veel neie Audos,
schunn falsche vielleicht finanziell uff die Nos.

Ehr Musikande, speele dem Kerl:
"Wer soll das bezahlen, wer hat soviel Geld,
wer hot denne Kadett bestellt?"

M M
GETRAENKE-
MARKT

Margit und Guenter Reppert
Hauptstr. 34
6759 Reipoltskirchen



ARAL-SB-Tankstelle
Winfried Steinhauer

Kfz.-Werkstatt * Reifen
Zubehoer * Wagenpflege
Heizoel

6758 Lauterecken

Saarbruecker Strasse 56
Telefon 06382 / 505

ALKOHLIKER WERDEN ZWAR NUR
HALB SO ALT, ABER DAFUER
SEHEN SIE ALLES DOPPELT !!

LAKRITZ MACHT SPITZ,
PIZZA MACHT SPITZER!

WER FRUEHER STIRBT,
IST LAENGER TOT !

BESSER VON PICASSO GEMALT
ALS VOM SCHICKSAL GEZEICHNET.

NIEDER MIT DEN TUETEN !
FREIHEIT FUER
DIE GUMMIBAERCHEN !

SPRACH ABRAHAM ZU BEBRAHAM :
KANN ICH MAL DEIN ZEBRA HAM

JUNGS SIND WIE MILCH:
WENN MAN SIE STEHEN LAESST,
WERDEN SIE SAUER !

LIEBER 'NE RUNDE IM LOKAL,
ALS 'NE QUENNE IM BETT !!!

ALLE WOLLEN ZURUECK ZUR NATUR,
ABER KEINER ZU FUSS.


MAEDCHEN SIND WIE
BENFGLAESER -
JEDER STECKT SEIN
AUERSTCHEN 'REIN !

TANKSTELLE GETRAENKE-MARKT

Vogelhandlung / Tierbedarf

Gartenartikel

Fotokopien



UDO UND SABINE LINNEBACHER

Hauptstrasse 2 6759 NUSSBACH

Tel.: 06364/413

Vorsjoor an de Kerb sin wirrer e paar Dinger basseert!
Wenn ich eich die allegar vezeele det,
dener denke, ich wär e bissje bled.
Un um eich net se lang se quäle
will ich eich nur äni dodevun vezähle.
Doch seersd du ich mol mei Kehliche ele.

Wie jed Joor werd Mondachs mojens iwwer die Lande gefahr
un e haufe Eier, Brot un Bichseworscht sesammegetra.
Un daß mer Unnerhaltung hun,
werd a noch de Mussikverein metgenumm.
Der is e Roll hinner uns hergefah
un hot gemach ganz schä Trara.

Un weil die Mussiker veel Dorscht kriet han beim Speele,
muschde se ach ostännisch ehr Kehle ele.
Un es is jo ganz logisch, ehr Leit,
daß der, ders greschde Inschdrument speelt,
aach es meeschde eelt.
Das hot sich de Sigi aach gedenkt
un hot sich ordentlich ingeschenkt.

Mer ware noch net uff de Auschbach okumm,
do horrer schunn nimmi alles vernumm.
Do owwe wollder pisse geh,
doch plötzlich horrer im Hof gelä.

Dann hammer ne uff die Roll geschafft
un uns uff de Weesch no Reiwelskerch gemacht.
An de Hall simmer vun de Roll erunner gesprung,
doch das is em Sigi aach nimmi gelung.
Die Leit hots zum Eieresse in die Hall gelenkt,
doch do dro hot de Sigi gar nimmi gedenkt.

No dem Feschdschmaus
sin e paar Leit enaus.
Die hanne uff de Trepp ogetroff,
do issems Blut es Gesicht erunner geloff.
Mer nemme o, der Mann is gefall
uff de Treppstufe vor de Hall.

"Es beschde is", hammer uns gesa,
"mer dune häm zum Hertha, seiner Fra."
Uff de Juchee okumm, hots Hertha net veel gesa,
un hot ne glei ins Bett getra.
Dienschdachs hot de Siegbert vun de Kerb sei Ruh,
er hot sich nämlich schäne Veletzunge zugezo.

Ehr Mussiker, nemmens dem Sigi net krumm
un speelen em "Bier her, Bier her oder ich fall um!"

Gaststætte
zum Rebstock



Meisenheim
Rathausgasse 3

geoeffnet:

sa-do: zehn bis eins

fr+sa: zehn bis zwei

inhaberin:

ellen speth

Ihr liewe Leit, ihr wisse jo,
vorsjohr sin drei vun de junge ausgezo.
No Bayern hots se hieveschla,
weil se gemähnt han, se finne dort e Fra.

Doch der Gedanke hot fehlgeschla -
die Mäd do unne sin net uff se abgefahr.
Die bayrische Buwe dun nämlich a schwitze,
bei dem, was die Mäd do unne im Dirndl han sitze.

Ähm isses folschendermaße ergang:
Beim Oblick vun so me Dirndl
wars em Angscht un Bang.

Dem Bodder isses nämlich net so klar,
was mer alles mache kann met ner Fra.
Dodruffhie hots ne widder hämgeschla.

In so Situatione isses fer den Bub am beschde,
er dut sich no de Rotschläch vun seim Vadder richde.
So e vädderlicher Rot is sei Geld wert
wann mer net wäß, wie mer e Märe infehrt.
Met dene Tips isses beim Bodder net weit hie.
Met dene Mäd, das dut er sowieso net hiekrie.

De negschde hot e Erbschaft enunner veschla -
e Villa met Grundstück - awwer ohne Fra!
Trotz Arwet hotten die Langweil geplaat,
do horrer alles vekaaf
un sei Audo wirrer Richdung Heimat gejaat.

Er hot sei Laacher wirrer bei seine Leit uffgeschla
un beruflich isses mem LKW ins Ausland gefahr.
Do das hot em a net zugesa,
weil als Fernfahrer find mer jo a kä Fra.





Als Audoschlosser wolld er sei Geld wirrer vediene,
doch wann mer Ford un VW gewohnt is,
kriet mer das bei Opel net hiene.
No me Kurzurlaub isses zur Besinnung kumm
un jetzt horrer sich widder e Wohnung in Bayern genumm.

De ledschde vun dene drei hübsche, das misse mer sa,
hot sei Zelte immer noch do unne uffgeschla.
Mer wisse awwer net, ob met orrer ohne Fra.
Die brauch er jo a zum Trinke net,
weils ohne Fraue veel besser schmeckt.
Daß em es Bier so gut schmeckt, des horrer schunn bereit,
weil sei Fihrrerschei jetzt bei de bayrische Bulle leit.

Ehr drei, äns lossen eich sa:
Bleiwen dehäm! In Reiwelskerch finne ner - wie ich -
vielleicht aach e Fra.

Ehr Mussiker, speelen dene Buwe frei eraus:
"Muß i denn, muß i denn zum Städtele hinaus?"

SCHREINEREI FELIX KARCH



Fenster und Tueren
aus Holz, Kunststoff und Alu

Innenausbau / Moebel

Beerdigungen

.....
Bachstrasse 2, 6759 Nussbach

Tel.: 06364/240

"KURZMELDUNGEN"

+++++

- * Hexennacht '90, Theaterallee:
Unbekannte Täter erwiesen sich erfolgreich bei Dachdecker-
Abräumarbeiten an der Gartenlaube des zweiten Ortsvor-
sitzenden. Wachhund aus der Nachbarschaft kläglich
versagt. Täter noch immer auf freiem Fuß.

+++++

- * Hundeliebhaber, die begeisterte Spaziergänger sind, melden
sich bitte bei Cornelia Maue oder Sabine Krauss zwecks
Club-Erweiterung oder wenden sich unter Chiffre 4711 an
den Verlag.

+++++

- * Vatertag '90:
Generationsbedingte Musikstil-Unstimmigkeiten führten zu
regen Diskussionen zwischen Jung und Alt. Ältere Teil-
nehmer am Geschehen lehnten mit lautstarkem Einwand Vor-
schläge der jüngeren Generation strikt ab.
Bildung einer Interessengemeinschaft zwischen Ortsbewoh-
nern gesetzteren Alters und der Dorfjugend dringend
erforderlich!

+++++

- * Suchmeldung!
Junges Paar - schon mehrmals bei Waldrundfahrten beob-
achtet - dringend gesucht. Roter Ford Escort, Kennzeichen
unbekannt, getönte Scheiben verhindern näheren Einblick.
Sachdienliche Hinweise bitte an das Bürgermeisteramt
Reipoltskirchen.

WALTER ECKHARDT

Metallbau u. Kunststoffverarbeitung

6759 Einöllen

Telefon 06304/374

.....
*Wir fertigen Türen und Fenster aus
Alu, Kunststoff und Holz in allen
Ausführungen nach Ihren Wünschen
sowie Wintergärten, Vordächer,
Markisen, Fliegengitter usw...*

=====

G Ä R T N E R E I

~~~~~

## Gehrhardt - Mann

*Blumen- und Kranzbinderei*

*Schnittblumen, Topfpflanzen*

*Beet- und Balkonpflanzen*

~~~~~

6759 Einöllen, Tel. 06304/372

Uff de Juchee wohnt äner, der fahrt e Wa,
der is äfach wunnerbar.
Der hot im Kihlergrill vier Ringe.
Nur das duts bei demjenisch bringe.

Awwer es war em äfach noch se wenisch dro,
do horrer gedenkt:
"Do vorre bring ich noch e Spoilerstoßtang o."

Daß mer dodefor e Betriebserlaubnis brauch,
das war em schunn klar.
Awwer er hot sich gedenkt: "Wann ich käni han,
werd a nimmand was sa."

Em Horst sei Audi war wunnerschä -
wie e Sportwae horrer ausgesieh.
So isser durch die Lande geblos
un änes Owends meme Has samme gestoß.

Es greschde Malleer horrer glei gesieh:
Die Spoilerstoßtang, die war hie.
"Ich han jo Glick im Uglick", horrer sich gedenkt,
un hot sei Weesch zur Polizei gelenkt.

Die hätten solle de Schade uffnemme,
doch in Lauderecke dun se jo a net penne.
Er hot de Unfallhergang genau vezeelt
un e paarmol die Spoilerstoßtang erwähnt.

Un da er hot kä Betriebserlaubnis gebrung,
hon sem e haufe Geld abgenumm.
Do hot de Horst ganz dumm do gestann.
Er hot jo gemähnt, es Geld fer de Schade
kennt er vun de Versicherung han.


Die fehlende Babiere sin em uf de Mae geschla.
Do isser traurich hämgefah.

Horst, ich sa der äns im Vertraue:
Du ders negschde Mol Däle met Babiere obaue.

PROSCHT !!!

Obst und
Gemuese

Handel



Manfred

Becker

6759 Odenbach

Tel. 06753/3366

Straßenverkauf in
Reipoltskirchen:

mittwochs u. freitags

Ihr Leit, jetzt muß ich eich berichte
vun de Reiwelskercher Salatschissel-Geschichte.
Wie e Fiewer gehts im Ort erum
un jeder Haushalt hots a schunn venumm,
daß es jetzt Schissele gebt, net fer Salat osemache,
sondern fer besonnere Fernsehprogramme se empfangen.

Sundachs owends sieht mer nimmi veel durch die Stroße springe,
weil se uff RTL "Tutti Frutti" bringe.
Die Sendung is hauptsächlich fer Männer,
weil do Mäd metspeeple aus aller Herre Länner.
Un was mer do sieht, das dut sich lohne,
denn die sin alle owwe ohne.

Sogar es Hannelor hot vun dere Sendung geheert
un sich glei e Schissel uffs Dach mondeert.
Em Hannelor war domet awwer gar net gedient,
weil mer do bloß halbnackte Fraue sieht.
Awwer es war ganz stolz uff die Sach.
Es hot nämlich gemähnt, es hätt jetzt "Radar" uff em Dach.

So isses dann durchs Dorf marschiert
un hot sich halt ganz schä blamiert.
Die honnem gesa, die Sendunge wern iwver Satelit ausgetra
un net, wie es mähnt, iwver Radar.

Mei lieb Hannelor,
du dich besser iwver dei Geräte informiere,
dann kann der sowas nimmi basiere.

Ich wollt der noch e Liedche singe,
awwer ich konnt nix bassendes finne.

So, ihr Leit -
das wars fer heit!
Ich her jetzt langsam uff se vezeele,
awwer seerscht muß ich noch mo mei Stimmche ele.

PROSCHT !!!

Ich han e paar uff die Schipp genumm.
ich hoff, ihr nemme mer das net krumm.
Un reechen eich net uff iwwer mei Geschichte,
es negschd Jahr du ich iwwer die annere dichte.

So, jetzt hol ich emol de Wert eraus,
daß der sich betracht unsre Kerwestrauß.
Karl, kumm mol raus
un bewunner denne Strauß !!!

.

Un neegschd han ich jo vergess,
daß der Strauß aach dorschdisch is.
Drum wolle merm e Gläsje Wei in Ehre
net verwehre.

Ihr Leit, wann ihr aach dorschdisch sinn,
dann gehen in die Hall eninn.
Awwer treiwens net so doll
un saufen eich net voll!

!!! DIE REIWELSKERCHER KERB

SOLL LEWE !!!
